



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?

Chi s'11 de Donniasantu de su 1968 fiat bessiu in is Stadius Unius de Amèrica su primu album de solista de John Lennon: Unfinished Music No.1 - Two Virgins?

Assinniau ofitzialmenti a John Lennon cun Yōko Ono, est su primu de is tres traballus sperimentalis chi is duus artistas ant fatu impari. S'album dd'ant arregistrau in una dii sceti, candu John, aprofetendi de sa mancàntzia de domu de sa mulleri Cynthia (chi fiat partia unas cantu de diis), iat cumbidau in domu sua s'artista concetuali chi iat connòsciu in una galleria de arti in Londra duus annus a innantis. Sa complitzidadi artistica, chi fiat forti, iat tragau is duus a fastigiai sa noti etotu.

S'arresurtau, chi tenit is arrèxinis in su movimentu artìsticu Fluxus (acapiiau a strintu cun sa mùsica sperimentali), est unu collage de sonus cun loop de pellicula calamidada chi andat in s'interis chi issu sonat prus strumentus (ghitarra, armòniu, bateria), efetus sonorus (revèrberu, delay e atrotoxadura), arrogus de ciaciarradas intra de issus etotu e àterus innui Ono cantat po arrespundi a is sonus. Fintzas su scèberu de sa crobeca est una novidadi, difatis est unu arretratu de issu e issa spollincus, fatu cun sa màchina fotogràfica stentadora imbentada de Tony Bramwell.

Is àterus Beatles non iant biu de bona manera su scioberu de Lennon, chi nci iat postu ses mesis po ddi fai agradessi su traballu cosa sua ca a parri de issus fiat insulladori meda.

In sa màgini sa crobeca cun sa censura



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?



Teo Virginia

